

中西兵略指掌

第一函
五冊

中國
圖書
集成

江苏工业学院图书馆
藏书章

昌晏署檢
印

光緒壬寅孟秋

秦中官書石印

叙

傳曰形而上者謂之道形而下者謂之器化而裁之謂之通道本也器末也故化裁之妙在道不在器夫先聖所謂道器雖不獨為兵家言而兵家之樞機尤宜參嚴道器之辨故凡治軍之術以道馭器則其事足以福天下以器馭道其弊且不可勝量孔子懼成之說孟子人和之論及荀子議兵之篇聖哲相承莫不以此道為兢兢用為百世不敝之準此豈區區講求於度數之末者所能幾哉蓋有必勝之道然後有必勝之將有必勝之將然後有必勝之軍與器所謂必勝之道非他砥事君之節本以忠貞上下一心百變不撓以合於懼成人和之說焉而已昔粵匪倡亂參以檢回羅忠節以鄉曲書生憂於下曾文正以退居大臣奮於上於是湘淮諸公駢斬其間繼踵而起或馳騁中夏或喋血萬里經營幾二十年卒成我

聖清中興之業淺識者輒以為威棱莫測曠世一遇不知諸公所以能翼贊

廟謨者初無謬巧亦惟秉忠貞之志發為材勇蔚為事功淵源既殊高下遂別固非趨私避公張皇末務者所能襲取爾常德陳郡丞成叔夙好經世之學尤以兵事為當務之急所著中西兵略指掌二十四卷力屏陳言實事求是上自營制下迄軍器鐵器畢具決擇既審論次亦精而篇內禦火器一說更能發人所未發蓋其所推闡者雖在文正之緒言而其所私淑尤在忠節之實學可謂深探本原拔乎其萃矣余忝任封圻愧無以裨益政教而於人材之消長學術之得失頗嘗盡心昔讀胡文忠公讀史兵略一書竊以為詳於考古略於適今嘗欲別為論著以補其缺佚今觀成叔之書先得我心之所同吾知有用之學必有不能終秘者亟付梓氏用贊軍政誰曰不宜嗚呼優於道劣於器猶不足以為兵況昧道器先後之序而以貿貿從事哉讀成叔之書者苟能心知其意亦可以決所適從矣

督漕使者長白馬佳松椿拜序

叙

舟吾知其能涉也舵不換則觸車吾知其能駕也輪不膏則膠因觸而廢舟因膠而廢車此其人必不知兵則亦妙選轉舵之工慎擇斲輪之手而已矣今之談兵者衆矣穰苴尉繚之術甚精也肄西法者則迂之德法英美之器甚利也泥古法者則誣之謂西法必可用乎則鎗礮彈藥之具備將無敗端矣謂古法必當守乎則魚麗虎鈴之久廢將無勝兵矣執此以談兵所謂刻舟以求劍膠柱以鼓瑟者也背冰之陣韓信用之而得馬謖用之而失甲子之占周武以之而興商紂以之而亡鄂忠武王云運用之妙存乎一心旨哉言乎旨哉言乎楚沅陳司馬成叔有味乎斯旨也著中西兵略指掌二十四卷采曾文正左文襄之法通古今而係之以論而推原於漢諸葛明威南塘擇布希里哈比百里牙芒英儲意比克利賴史理孟之說合中西而編之以次而旁及於諸家著述與夫布軍政局美水師書院之新書營伍之要器械糧

儲之要氣候之要水陸墩堡之要凡軍中所當及者無巨無細無緩無急無微不入
無美不備而繼之以形勢海防集說終焉是書也其用之也宏其取之也精而其運
用之妙則大旨仍歸於一心夫練兵之有實紀也草廬之有經畧也注孫子之有十三
家也中國所著錄蓋人人而讀之矣槍之有來復毛瑟也礮之有格林克虜伯也陸
之有地雷礮臺水之有鐵甲水雷也西域所流傳蓋人人而聞之矣顧海軍之設訓
練十餘年度支千百萬猝有不虞其望風驚遁不能支一軍發一矢者則何耶蓋舍
是法不足以談兵泥是法亦不足以談兵而其挫衄潰敗之由則又非不用西法不
用古法之罪也古之人有言曰能與人規矩不能與人巧又曰用法恆得法外意去
年之役毋論矣 國家養士三百年必有謀行勇士崛起行間師其法神明其規矩
盡化中外之見而以心運用之則庶幾與古人為徒不為西人所訕笑是則作是書
者之本心而亦讀是書者之會心也否則金城湯池委之以資敵堅甲利器祇以益

寇兵而齎盜糧此其智且耽人操舟輪人造車之不若矣又何足與論是書之旨哉
爰撮其大意而為之敘書亮又不覺掩卷而三歎也光緒丙申三月謝元福謹敘於
袁江道署

叙

曩甲申歲法人肇釁沿海戒嚴署著濱海圖說以
備防堵之需嗣以兵法相沿中西交徧今有殊方復
輯籌海備覽一書為宋夷先等乃以頻年從事戡防未
先不十稔而又有倭人之役倉卒徵兵不下四五百營
泥古法以禦今敵不無鑿柄於是始悟偏狃井校
及諸譯等書晚矣乎茲之後雖敵索我不備亦未始
未海求之過也時余六濫等營務不獲稍有補救良
愧夙夜夫越南朝鮮臺灣皆中土藩籬也未易藩籬
立而內室

可安枕者。當牖戶綢繆。甯可緩諸來時。余三第務唐已。擬
請閱就。意以開和議。成茲。因思為補。字計。震。廣。按。出
注。並。附。已。意。合。中。而。今。者。而。成。岳。繆。自。指。募。標。練。防。守。以
及。水。陸。營。陣。礮。臺。軍。械。官。不。詳。盡。即。不。知。兵。者。淵。覽
一。過。一。可。稍。得。端。倪。至。因。時。為。宜。惟。操。在。交。是。在。運。用。者
之。自。得。其。巧。然。此。現。據。名。巧。寫。出。余。素。是。偏。之。年。有
以。收。後。耳。晚。蓋。之。困。而。克。補。余。時。者。未。竟。之。志。用。敘。其。顛。志
於。此。免。諸。丁。酉。秋。八。月。元。昌。晏。敘。於。湖。中。齋。舍。

敘

命相

吾相曾侯文正公學冠人羣功彌宇宙生平初不以兵事競長然當粵逆橫決時銜
命相師本汾陽之忠勇潛以武侯之節制平殄巨憝天下危而復安其用兵之神雖古司
馬穰苴李衛公諸人有未遑多讓者龍昌生數十年後景仰成勞每以不獲親炙為
憾頃東方構衅適奉仲兄書促往榆關攬轡遠征方謂澄清有待詎駛抵滬上牛莊
威海警報日至當事必有兵不戰不敵持久方競主和議嗟乎和之一字正公曩日
所負慙遺蹟者然公之志豈以夷終不可和耶亦謂必如宋相李綱所云能守而後
可戰能戰而後可和耳龍昌傾耳之餘滿腔熱血無處傾瀉乃亟發行篋就所攜公
集重加披校欲窺公平日所以戰守之本爰取日記雜著中營規軍謀各數十則以
及散見他書者鈔錄成帙編次再三緝繹始恍然於當日之所以克集大勲者無他
只是治軍克勤以常常嚴具朝氣為第一義朝氣奈何則每營中無時不謀無人不

勇八字盡之顧人第知敵愾恃乎謀勇而不知謀勇生於膽氣膽氣生於武藝武藝生於訓練訓練不精縱使孫吳再出亦祇束手無措已耳公久處行間和我機非可俾哉勁旅端由新裁於是以認真之自強之本勤為定章限以常課自招募日操查禁禁營開仗以違告誠營官無一事不經心無一語不踏實其注意在先立於不敗其訂規則盡人所能行以此通飭各營令下霜霜日日有操不任一時偶解處處著緊不使一步放鬆極力經營務期部伍靈捷嫻整動如水靜如山而後已此所以指揮如意靈學當掃轉戰無前數年之間遂克收全局於既失蓋由其操算神故其收效捷也邇來承平既久人不知兵操演半視為故常安佚寢流為玩愒即間有才能傑出營官廣集古今著名幾部兵書而卷帙浩繁今昔異用又苦無從下手故粉飾相仍習勇坐困平時既無把握臨事鮮不張皇凡此皆公所謂暮氣也咸同以前防務廢弛正坐此病故洪賊振臂一呼而天下瓦解目今情形何以異是當此外紅水

已內患旋生欲誦積恥而謀善後豈有他法亦惟有亟簡武備以公之所以治軍者
治之而已矣用是不揣誦陋特取我公遺法并左文襄營陣諸說以連外洋言兵各
書之切實有裨軍務者哀集而彙出之間附以己意用資發明凡為卷二十四取尼
山論禘之旨名之曰中西兵略指掌回憶曩讀左氏春秋至鄭突料戎闢伯比策隨
之類以為深得兵家知己知彼秘鑰久擬分條排纂證以子史為前明捫蝨談之續
以辛際寰海宴清姑置之茲者時艱蒿目深維公志與宋相戰守之言中懷耿耿不
能自持匆遽輯此猶素志也編中分門博採總期簡明剴切淨掃輻鈴空談一歸實
濟計摭訂凡九閱月獲歲厥事友人見者輒謂於時務不無少裨率聳愚付諸剞劂
以公同志一隅之見不審奚若然成法具在有專闡之責者誠讀公之書以公之心
守公之訓做照已效良規確實做去去其暮氣提其朝氣久之由暗生明由熟悟巧
操縱在手致人而不致於人將岳忠武所謂運用之妙存乎一心者在此矣從此軍

聲一振於以轉弱為強以義取暴收宗澤抗金之績昭鄧支負漢之辜以翊我
國家中興再造宏謨上與文正諸賢比烈焉直拭目俟之耳袍澤之義懷中富有同
情黨訂之餘因綴數於此以質能者

光緒二十二年歲次丙申孟春月常德陳龍昌識於皖南東山草堂



凡例

一宗旨 是編大旨專以曾文正為宗蓋天下事必後在於懲前遠徵不如近取觀邇來中倭之勢彼小我大彼容我主彼寡我衆而勝負何以若此懸殊竊嘗論之去年之事譬之兩人對奕彼積謀於琉球未滅之前陰訓其師徒猶於圍棋保角依旁攻寬擊虛諸法早經洞悉我新集之兵并局中子路且懵然不省故每一交鋒彼為所欲為我動輒獲咎緣此全局掣動致令我澎臺數千里文物之邦淪於左袵遼瀋數百萬生靈之衆罹其屠毒兵勇不練之患一至於斯極有心人興念及此忍竟委諸適然徒付之賈長沙無益之慟哭耶又況今日泰西各邦競挾其強兵利器爭雄海上眈眈在旁我於此欲謀所以自強痛癢前轍以冀中夏磐石之安固非亟加整頓不可欲加整頓非盡湔積習認真講明步伍練其技使知軍家之要作其氣使爭天下之先不可故編中首取文正之切實以為近今現成一大

榜樣文正生平不自以為知兵獨其自負乃在教練師文正者亦師其勤於教練之意果其功一歸切實自其效無不捷如桴鼓也頃王爵棠方伯自俄返棹稱其王爵某言中國現無武備可言若能講求武備圖自富強將來各國無不敬畏彼西人局外諷勉且如此可見我中國誠深懲前日之失從此奮興恪遵文正已效成法由營規類推以逮陣壘軍器各節逐一求精慮幾戰守有資倉卒無虞大簡戎行之規即以戰勝廟堂之上將所以攘外者在此所以安內者亦在此則是編之作固猶是易言以律傳稱止戈之微意也不然者兵凶戰危至人所戒使謂徒侈陳韜略故好為紙上之談則吾豈敢

一經緯 文正營規一篇自招募至開仗歷詳行軍諸法若網在綱如衣絮領所謂經也顧尋流必先溯源舉大不可略細設言守禦而不於所以籌備一切事宜預為實在推求守經而遺其緯也夫用兵以得人節餉為先必營制明而後溺職